



趙世家第十三

史記四十三

趙氏之先與秦共祖至中衍

正義曰中音仲

為帝大戊

御其後世蜚廉有子二人而命其一子曰惡來

事紂為周所殺其後為秦惡來弟曰季勝其後

為趙季勝生子孟增孟增幸於周成王是為宅臯

狼

徐廣曰或云羊狼地名在西河○索隱曰按如此說臯各孟增號宅臯狼而徐廣云臯狼地名在西河者按地理志

臯狼是西河郡之縣名蓋孟增幸於周成王成王居之於臯狼故云臯狼

臯狼生衡父衡父

生造父造父幸於周繆王造父取驥之乘匹

正義

曰乘食證反並四曰乘兩曰疋取八駿品其力使均馴

與桃林

正義曰括地志云桃林在陝州桃林縣西

至潼關皆為桃林塞地山海經云夸父之山北有林焉名曰桃林廣闊三百里中多馬造父於此得驊騮耳之乘獻周

穆王次血驪驛騶綠耳獻之繆王索隱曰言造父取八駿調也並四曰繆王使造父御西巡狩見西王母乘並兩曰四

樂之忘歸索隱曰穆天子傳曰穆王與西王母觴於瑤池之工作歌是樂而忘歸也而譙周不信此事而而徐偃王反

云余常聞之代俗以東西陰陽所出入宗其而徐偃王反

正義曰括地志云大徐城在泗州徐城縣北三十里古之徐國也博物志云徐君宮人娠生外以為不祥棄於水濱孤獨

母有犬名鵠倉街所棄知以歸覆煖之遂成小兒生偃王故宮人聞之更收養之及長龍襲為徐君後鵠倉臨死生角而九

尾實黃龍也鵠倉或各后倉也繆王日馳千里馬攻徐偃王大破

之索隱曰譙周曰徐偃王與楚文王同時去周穆王遠矣且王者行有周節豈聞亂而獨長駢日行千里乎並言此事非實乃賜造父以趙城正義曰晉州趙城縣即造父邑也由此為

趙氏自造父已下六世至奄父曰公仲周宣王

時伐戎為維正義曰括地志云千畝原有及千畝戰晉州在陽縣北九十里也

奄父脫宣王奄父生叔帶叔帶之時周幽王無

道去周如巫事晉文侯始建趙氏于晉國自叔

帶以下趙宗益興五世而止趙夙趙夙晉獻公

之十六年代霍魏耿而趙夙為將伐霍霍公求

犇齊徐廣曰求一作來晉大旱卜之曰霍太山為祟使

趙夙召霍君於齊復之以奉霍太山之祀晉復

穰晉獻公賜趙夙耿索隱曰今河東皮氏縣耿鄉夙生共孟當

魯閔公之元年也共孟生趙衰字子餘索隱曰系本云公明

生共孟及趙夙夙生成季衰衰生宣孟孟看左傳云衰趙夙弟而此云共孟生衰譙周亦以此為誤趙衰卜

事晉獻公及諸公子莫吉卜事公子重耳吉即
事重耳重耳以驪姬之亂亡奔翟趙衰從翟伐
齊咎如得二女翟以其少女妻重耳長女妻趙
衰而生盾初重耳在晉時趙衰妻亦生趙同趙
括趙嬰齊趙衰從重耳出亡凡十九年得反國
重耳為晉十八公趙衰為原大夫居原任國政索隱
曰系本云成季徙原宋忠云今鴈門平原縣也。正義曰括地志云原平故城漢原平縣也在代州崞縣南三十五里崞音郭按宋忠說非也括地志云故原城在懷州濟原縣西北二里左傳云襄王以原賜晉文公原不服文公伐原以示信原降以趙衰為原大夫即此也原本周畿內邑也文公所以反國及霸多趙衰計策語在晉事中趙衰既反晉晉之妻固要

迎翟妻而以其子盾為適嗣晉妻三子皆下事之晉襄公之六年而趙衰卒謚為成季趙盾代成季任國政二年而晉襄公卒太子夷臯年少盾為國多難欲立襄公弟雍雍時在秦使使迎之太子母日夜啼泣索隱曰穆嬴也頓首謂趙盾曰先君何罪釋其適子而更求君趙盾患之恐其宗與大夫龔誅之廼遂立太子是為靈公發兵距所迎襄公弟於秦者靈公既立趙盾益專國政靈公立十四年益驕趙盾驟諫靈公弗聽及食熊蹯膈不孰殺宰人持其尸出趙盾見之靈公由

此懼欲殺盾盾素仁愛人嘗所食桑下餓人反
扞救盾盾以得亡未出境而趙穿弒靈公而立
襄公弟黑臀是為成公趙盾復反任國政君子
譏盾為正卿亡不出境反不討賊故太史書曰
趙盾弒其君晉景公時索隱曰成公之子名據而趙盾卒謚
為宣孟子朔嗣趙朔晉景公之二年朔為晉將
下軍救鄭與楚莊王戰河上朔娶晉成公姊為
夫人晉景公之二年大夫屠岸賈欲誅趙氏徐廣
日按年表救鄭及誅滅皆景公三年初趙盾在時夢見叔帶持要而
哭甚悲已而笑拊手且歌盾卜之兆絕而後好

趙史援占之曰此夢甚惡非君之身乃君之子
然亦君之咎至孫趙將世益衰屠岸賈者始有
寵於靈公及至於景公而賈為司寇將作難乃
治靈公之賊以致趙盾徧告諸將曰盾雖不知
猶為賊首以臣弒君子孫在朝何以懲臯請誅
之韓厥曰靈公遇賊趙盾在外吾先君以為無
罪故不誅今諸君將誅其後是非先君之意而
今妄誅妄誅謂之亂臣有大事而君不聞是無
君也屠岸賈不聽韓厥告趙朔趣亡朔不肯曰
子必不絕趙祀朔死不恨韓厥許諾稱疾不出

賈不請而擅與諸將攻趙氏於下宮殺趙朔趙
同趙括趙嬰齊皆滅其族趙朔妻成公姊有遺
腹走公宮匿趙朔客曰公孫杵曰杵曰謂朔友
人程嬰曰胡不死程嬰曰朔之婦有遺腹若幸
而男吾奉之即女也吾徐死耳居無何而朔婦
免身生男屠岸賈聞之索於宮中夫人置兒絝
中祝曰趙宗滅乎若號即不滅若無聲及索兒
竟無聲已脫程嬰謂公孫杵曰曰今一索不得
後必且復索之奈何公孫杵曰曰立孤與死孰
難程嬰曰死易立孤難耳公孫杵曰曰趙氏先

君遇子厚子彊為其難者吾為其易者請先死
乃二人謀取他人嬰兒負之衣以文葆徐廣曰小兒被曰葆
匿山中程嬰出謬謂諸將軍曰嬰不肖不能立
趙孤誰能與我千金吾告趙氏孤處諸將皆喜
許之發師隨程嬰攻公孫杵曰杵曰謬曰小人
哉程嬰昔下宮之難不能死與我謀匿趙氏孤
兒今又賣我縱不能立而忍賣之乎抱兒呼曰
天乎天乎趙氏孤兒何罪請活之獨殺杵曰可
也諸將不許遂殺杵曰杵與孤兒諸將以為趙氏
孤兒良已死皆喜然趙氏真孤乃反在程嬰卒

與俱匿山中居十五年景公疾卜之大業之
後不遂者為崇景公問韓厥厥知趙孤在乃曰
大業之後在晉絕祀者其趙氏乎夫自中衍者
皆嬴姓也中衍人面鳥喙降佐殷帝大戊及周
天子皆有明德下及幽厲無道而叔帶去周適
晉事先君文侯至于成公世有立功未嘗絕祀
今吾君獨滅趙宗國人哀之故見龜策唯君圖
之景公問趙尚有後子孫乎韓厥具以實告於
是景公乃與韓厥謀立趙孤兒召而匿之宮中
諸將入問疾景公因韓厥之眾以脅諸將而見

趙孤趙孤名曰武諸將不得已乃曰昔下宮之
難屠岸賈為之矯以君命并命羣臣非然孰敢
作難微君之疾羣臣固且請立趙後今君有命
羣臣之願也於是召趙武程嬰徧拜諸將遂反
與程嬰趙武攻屠岸賈滅其族復與趙武田邑

如故

徐廣曰推次晉復與趙武田邑是景公之十七年也而乃是春秋成公八年經書晉殺其大夫趙同趙括

左傳於此說立趙武事者註云終說之耳非此年也

及趙武冠為成人程嬰乃

辭諸大夫謂趙武曰昔下宮之難皆能死我非
不能死我思立趙氏之後今趙武既立為成人
復故位我將下報趙宣孟與公孫杵曰趙武啼

泣頓首固請曰武願苦筋骨以報子至死而子忍去我死乎程嬰曰不可彼以我為能成事故先我死今我不報是以我事為不成遂自殺趙武服齊衰三年為之祭邑春秋祠之世世勿絕

新序曰程嬰公孫杵曰可謂信友厚士矣嬰之自殺下報亦過矣○正義曰今河東趙氏祠先人猶別舒一座祭二士矣

趙氏復位十一年而晉厲公殺其大夫三卻欒

書畏及乃遂弒其君厲公更立襄公曾孫周

曰年表云襄公孫也○索隱曰晉系家云襄公少子各周是為悼公晉由此大夫

稍彊趙武續趙宗二十七年晉平公立平公十

二年而趙武為正卿十三年吳延陵季子使於

晉曰晉國之政卒歸於趙武子韓宣子魏獻子

之後矣趙武死謚為文子文子生景叔

徐廣曰平公景叔名景叔之時齊景公使晏嬰於晉

之十九年晏嬰與晉叔向語嬰曰齊之政後卒歸田氏叔向

亦曰晉國之政將歸六卿六卿侈矣而吾君不

能恤也趙景叔卒生趙鞅是為簡子趙簡子在

位晉頃公之九年簡子將合諸侯戍于周其明

年入周敬王于周辟弟子朝之故也晉頃公之

十二年六卿以法誅公族祁氏羊舌氏分其邑

為十縣六卿各令其族為之大夫晉公室由此

益弱後十三年魯賊臣陽虎來奔趙簡子受賂
厚遇之趙簡子疾五日不知人大夫皆懼醫扁
鵲視之出董安于問韋昭曰安于簡子家臣扁鵲曰血脉治
也而何怪在昔秦繆公嘗如此七日而寤寤之
日告公孫支與子輿索隱曰二子秦大夫公孫支子桑曰我之帝所
其樂吾所以久者適有學也帝告我晉國將大
亂五世不安其後將霸未老而死霸者之子且
令而國男女無別公孫支書而藏之索隱曰藏一作藉藉錄也
謂當時即記錄書之於藉也秦讖於是出矣獻公之亂文公之
霸而襄公敗秦師於穀而歸縱淫此子之所聞

今主君之疾與之同不出三日疾必間間必有
言也居二日半簡子寤語大夫曰我之帝所甚
樂與百神游於鈞天廣樂九奏萬舞不類三代
之樂其聲動人心有一熊欲來援我帝命我射
之中熊能死又有一羆來我又射之中羆能死
帝甚喜賜我二笥皆有副吾見兒在帝側帝屬
我一翟犬曰及而子之壯也以賜之帝告我晉
國且世衰七世而亡正義曰謂晉定公出公哀公幽公
烈公孝公靜公為七世靜公二年
為三晉所滅據此及年表羸姓將大敗周人於范魁
之西正義曰羸趙姓也周人謂衛也晉亡之後趙成侯而
三年衛取都鄙七十三是也賈逵云川阜曰魁也

亦不能有也索隱曰范魁地名不知所在蓋趙地也今余思虞舜之勲

適余將以其胄女孟姚配而七世之孫索隱曰即姓贏吳廣

之女姚姓孟字也七代孫武靈王也董安于受言而書藏之以扁鵲

言告簡子簡子賜扁鵲田四萬畝他日簡子出

有人當道辟之不去從者怒將刃之當道者曰

吾欲有謁於主君從者以聞簡子召之曰譖吾

有所見子晰也索隱曰簡子見當道者乃寤曰嘻是故吾前夢所見者知其名曰子晰也當

道者曰屏左右願有謁簡子屏人當道者曰主

君之疾臣在帝側簡子曰然有之子之見我我

何為當道者曰帝令主君射熊與羆皆死簡子

曰是且何也當道者曰晉國且有難主君首

之帝令主君滅二卿夫熊與羆皆其祖也正義曰

行氏之祖也簡子曰帝賜我二笥皆有副何也正義曰副謂皆子姓

也當道者曰主君之子將克二國於翟皆子姓

也正義曰謂代及智氏也簡子曰吾見兒在帝側帝屬我一

翟犬曰及而子之長以賜之夫兒何謂以賜翟

犬當道者曰兒主君之子也翟犬者代之先也

主君之子且必有代及主君之後嗣且有革政

而胡服正義曰今時服也發除裘裳也并二國於翟正義曰武靈王略中山地至志乎

葭西略胡地至樓煩榆中是也簡子問其姓而延之以官當道者

曰臣野人致帝命耳遂不見簡子書藏之府異
日姑布子卿見簡子司馬彪曰姑布姓子卿字簡子徧召諸子
相之子卿曰無為將軍者簡子曰趙氏其滅乎
子卿曰吾嘗見一子於路殆君之子也簡子召
子母卹母卹至則子卿起曰此真將軍矣簡子
曰此其母賤翟婢也奚道貴哉子卿曰天所授
雖賤必貴自是之後簡子盡召諸子與語母卹
最賢簡子乃告諸子曰吾藏寶符於常山上先
得者賞諸子馳之常山上求無所得母卹還曰
已得符矣簡子曰奏之母卹曰從常山上臨代

代可取也

正義曰地道記云恒山在上曲陽縣西北百四十里北行四百五十里得恒山坂号飛狐口北

則代郡也

簡子於是知母卹果賢乃廢太子伯魯而

以母卹為太子後二年晉定公之十四年范中

行作亂明年春簡子謂邯鄲大夫午曰歸我衛

士五百家吾將置之晉陽

服虔曰往年趙鞅圍衛備人恐懼故貢五百家鞅置

之邯鄲又欲更徙於晉陽

午許諾歸而其父兄不聽

服虔曰午之諸父兄及邯

鄲中長老

倍言趙鞅捕午囚之晉陽乃告邯鄲人曰

我私有誅午也諸君欲誰立

杜預曰午趙鞅同族別封邯鄲故使邯鄲人更

立午宗親也

遂殺午趙稷涉賔以邯鄲及

服虔曰稷子晉

君使籍秦圍邯鄲

左傳曰籍秦此時為上軍司馬為子孫籍秦晉大夫籍秦游之孫籍

談之 **荀寅范吉射與午善** 左傳曰午荀寅之甥荀寅

本云晉大夫逝遨生桓伯林父林父生宣伯庚庚生獻伯偃

偃生穆伯吳吳生寅本姓荀自荀偃將中軍晉改中軍曰中

行因氏焉元與智氏同祖逝遨故智氏亦稱荀氏晉大夫

日絲叔之子士蒍之後為生成伯缺缺生武子會會生文叔燮

燮生宣叔司司生獻 **不肯助秦而謀作亂董安于**

知之十月范中行氏 正義曰按會食邑於范因為范氏

又中行寅本姓荀自荀偃將中軍

為中行因号中行氏元與 **伐趙鞅鞅奔晉陽晉人圍**

智氏因承襲逝遨姓荀氏 **之范吉射荀寅仇人魏襄等謀逐荀寅以梁嬰**

父代之 曹注曰梁嬰 **逐吉射以范臯繹代之** 服虔曰

側室 **荀躒言於晉侯曰** 服虔曰荀躒智文子士索隱

生武子瑩瑩生莊子朔朔生悼子盈盈 **君命大臣始亂**

生文子欒欒生宣子申申生智伯瑤

者死今三臣始亂 賈逵曰范 **而獨逐鞅用刑不均**

請皆逐之十一月荀躒韓不佞魏哆奉公命以

伐范中行氏 索隱曰不佞韓簡子哆 **不克范中行氏**

反伐公公擊之范中行敗走了未二子奔朝歌

索隱曰范吉 **韓魏以趙氏為請** 服虔曰以其罪輕於荀

射荀寅也 **請** 范也。正義曰按趙鞅

被范中行伐乃奔晉陽以其罪 **十二月辛未趙鞅入**

輕故韓魏為請晉君而得入絳 **絳明于公宮其明年知伯文子謂趙鞅曰范中**

行雖信為亂安于發之是安于與謀也晉國有

法始亂者死夫二子已伏罪而安于獨在趙鞅

患之安于曰臣死趙氏定晉國寧吾死晚矣遂

自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請梟簡子曰大夫無罪吾聞千年之皮不如一狐之腋諸大夫朝徒聞唯唯不聞周舍之鄂鄂是以憂也韓詩外傳

曰周舍立於門下三日二夜簡子使問之曰子欲見寡人何事對曰願為鄂鄂之呂墨筆操牘從君之過而日有記月有

成歲自簡子由此能附趙邑而懷晉人晉定公

十八年趙簡子圍范中行于朝歌中行文子奔

邯鄲索隱曰明年衛靈公卒簡子與陽虎送衛

太子蒯瞶于衛衛不內居戚正義曰括地志云故戚戚在相州澶水縣東三

十里杜預云戚衛邑在頓丘縣西有戚城是也晉定公二十一年簡子拔邯

鄲中行文子奔栢人簡子又圍栢人中行文子

范昭子遂奔齊索隱曰趙竟有邯鄲栢人范中

行餘邑入于晉趙名晉卿實專晉權奉邑侷於

諸侯晉定公三十年定公與吳王夫差爭長於

黃池趙簡子從晉定公卒長吳定公三十七年

卒而簡子除三年之喪期而已是歲越王勾踐

滅吳晉出公十一年知伯伐鄭趙簡子疾使太

子母卹將而圍鄭知伯醉以酒灌擊母卹母卹

羣臣請死之母卹曰君所以置母卹為能忍詢

然亦愠知伯知伯歸因謂簡子使廢母卹簡子

不聽母卹由此怨知伯晉出公十七年簡子卒

張華曰趙簡子家在臨水界二三家併上之氣成樓閣太子母卹代立是為襄子

趙襄子元年越圍吳正義曰年表及趙世家云左傳越滅吳在簡子三十五年已在襄子

元年前十五年矣何得更越圍吳之事從此

此下至問吳王是三十年事文說誤在此耳

襄子降喪

食使楚隆問吳王正義曰左傳云哀公二十年簡子死襄子嗣立以越圍吳故降父之祭饌

而使楚隆慰問王為哀公十三年簡子在黃池之役與吳王

質言曰好惡同之故滅祭饌及問吳王也而趙世家及六國

年表云此年晉定公卒簡子除三年之喪服甚而

已按簡子死及使吳年皆皆誤與左傳文不同

襄子姊

前為代王夫人簡子既葬未除服北登夏屋

徐廣曰

以料擊殺代王及從者行斟陰令宰

人各一作維

代地其姊聞之泣而呼天摩笄自殺代人憐之

所死地名之為摩笄之山正義曰笄今簪也括地志云摩笄山一名磨若笄山亦

名為山在蔚州飛狐縣東北百五十里魏土地記云代郡東南二十五里有馬頭山趙襄子既殺代王使人迎其婦代王

夫人曰以弟慢夫非仁也以夫怨弟非義也磨笄自殺而死使者亦自殺也遂以代封伯魯

子周為代成君伯魯者襄子兄故太子太子蚤死故封其子襄子立四年知伯與趙韓魏盡分

曰山在廣武○正義曰括地志云夏屋山一名西屋山今名賈母山在代州雁門縣東北二十五里夏屋山與句注山相接

蓋北方之險亦天下之阻路所以分列內外也

請代王使厨人操銅料

正義曰

作料其形方有柄取斟水器說文云鉤也

以食代王及從者行斟陰令宰

人各

一作維

以料擊殺代王及從者行斟陰令宰

人各

一作維

以料擊殺代王及從者行斟陰令宰

人各

一作維

其范中行故地晉出公怒告齊魯欲以伐四鄉

四鄉恐遂共攻出公出公奔齊道死知伯乃立

昭公曾孫驕是為晉懿公索隱曰或作哀公其大父名雍即昭公少子號戴子

也知伯益驕請地韓魏韓魏與之請地趙趙不

與以其圍鄭之辱知伯怒遂率韓魏攻趙趙襄

子懼乃奔保晉陽原過從後至於王澤正義曰括地志云王澤在絳州正平縣南七里也

見三人自帶以上可見自帶以下

不可見與原過竹二節莫通曰為我以是遺趙

母卹原過既至以告襄子襄子齊三日親自剖

竹有朱書曰趙毋卹余霍泰山徐廣曰在河東永安縣山陽

侯天使也三月丙戌余將使女及滅知氏女亦

立我百邑余將賜女林胡之地至于後世且有

仇王亦黑龍面而鳥喙鬚麋鹿鬣大膺大髀脩

下而馮左袵界東徐廣曰脩或作隨界一作介奄有河宗正義曰穆天子

至于休溷諸貉正義曰趙南伐晉之北

南伐晉別正義曰趙南伐晉之北

滅黑姑正義曰亦戎國襄子再拜受三神之令三國攻

晉陽歲餘引汾水灌其城城不浸者三版正義曰何休云

八尺城中懸釜而炊易子而食羣臣皆有外心

禮益慢唯高共徐廣曰一作赫不敢失禮襄子懼乃夜

禮益慢唯高共徐廣曰一作赫不敢失禮襄子懼乃夜

使相張孟同私於韓魏索隱曰戰國策作張孟談談者史遷之父名遷列改爲同

韓魏與合謀以三月丙戌三國反滅知氏共分

其地於是襄子行賞高共爲上張孟同曰晉陽

之難唯共無功襄子曰方晉陽急羣臣皆懈惟

共不敢失人臣禮是以先之於是趙北有代南

并知氏彊於韓魏遂祠三神於百邑使原過主

霍泰山祠祀正義曰括地志云三神祀今名原過祠今在霍山則也其後娶空

同氏正義曰括地志云崆峒山在肅州福祿縣東南六十里古西戎地又原州平高縣西百里亦有崆峒山即黃帝問廣成子道處俱是西戎地未知孰是生五子襄子爲伯魯之不立

也不肯立子且必欲傳位與伯魯子代成君成

君先死乃取代成君子浣立爲太子索隱曰代成君名周伯魯

之子系本云代成君子起即襄子立三十三年卒浣

立是爲獻侯獻侯少即位治中牟地理志曰河南中牟縣趙獻侯

自耿徙此噴曰中牟在春秋之時是鄭之疆內也及三卿分

晉則在魏之邦土也趙界自漳水以北不及此春秋傳曰衛

侯如晉過中牟按中牟非衛適晉之次也汲郡古文曰齊師

伐趙東鄙圍中牟此中牟不在趙之東也按中牟當潞水之

北○索隱曰此趙中牟在河北非鄭之中牟○正義曰按五

鹿在魏州元城縣東十二里鄭即相州蕩陽縣西五十八里

有牟山蓋中牟邑在此山側也襄子弟桓子逐獻侯自立於代索隱曰系本云襄子子桓子與此不同一年卒國人曰桓子立非襄子

意乃共殺其子而復迎立獻侯十年中山武公初立徐廣曰西周桓公之子桓公者孝王弟而定王子子○索隱曰中山古鮮虞國姬姓也系本云中山武公居

顧桓公徙靈壽為趙武靈王所滅不言誰之子孫
徐廣云西周桓公之子亦無所據蓋未得其實

十三年

城平邑

地理志曰代郡有平邑縣

十五年獻侯卒子烈侯籍立

烈侯元年魏文侯伐中山使太子擊守之六年

魏韓趙皆相立為諸侯追尊獻子為獻侯烈侯

好音謂相國公仲連曰寡人有愛可以貴之乎

公仲曰富之可貴之則否烈侯曰然夫鄭歌者

槍石二人

索隱曰槍音七羊反槍與石二人名

吾賜之田人萬畝公

仲曰諾不與居一月烈侯從代來問歌者田公

仲曰未未有可者有頃烈侯復問公仲終不與

乃稱疾不朝番吾君

徐廣曰番音盤常山有番吾縣正義曰括地志云番吾故城

在恒州房山縣東二十里番音古今音異耳

自代來謂公仲曰君實好善

而未知所持今公仲相趙於今四年亦有進士

乎公仲曰未也番吾君曰牛畜荀欣徐越皆可

公仲乃進三人及朝烈侯復問歌者田何如公

仲曰方便擇其善者牛畜侍烈侯以仁義約以

王道烈侯道然

正義曰道音由古字與攸同言牛畜以仁義約以王道故止歌者田攸攸氣行

兒寬

明日荀欣侍以選練舉賢任官使能明日

徐越侍以節財儉用察度功德所與無不充君

說烈侯使使謂相國曰歌者之田且止官牛畜

為師荀欣為中尉徐越為內史

正義曰漢書百官公卿表云少府內

史周官秦因賜相國衣二襲單復衣具九年烈侯卒

弟武公立索隱曰誰周云系本及說趙語者並無其事蓋別有所據武公十三年

卒趙復立烈侯太子章是為敬侯是歲魏文侯

卒敬侯元年武公子朝作亂不克出奔魏趙始

都邯鄲二年敗齊于靈丘地理志曰代郡有靈丘縣三年救魏

于廩丘大敗齊人四年魏敗我兔臺乘剛平正義

曰兔臺剛平並在河北以侵衛五年齊魏為衛攻趙取我剛

平六年借兵於楚伐魏取棘蒲正義曰今趙州平棘縣古棘蒲邑

八年拔魏黃城杜預曰陳留外黃縣東有黃城。正義曰括地志云故黃城在魏州冠氏縣南

十里因黃溝為名按陳留外黃城非隋所別也九年伐齊齊伐燕趙救燕十

年與中山戰于房子正義曰趙州房子縣是十二年魏韓趙共

滅晉分其地伐中山又戰於中人徐廣曰中山唐縣有中人亭

正義曰括地志云中山故城一名中人在定州唐縣東北四十一里春秋時鮮虞國之中人邑也十二年敬

侯卒子成侯種立成侯元年公子勝與成侯爭

立為亂二年六月雨雪三年大戊午為相徐廣曰戊

一作伐衛取鄉邑七十三魏敗我蘭正義曰地理志云屬西河郡也

四年與秦戰高安正義曰蓋在河東敗之五年伐齊于鄆

正義曰濮州鄆城縣是也魏敗我懷攻鄭敗之以與我長子地理

志曰上黨六年中山築長城伐魏敗涿澤正義曰涿音濁

有長子縣徐廣云長杜有濁澤非也括地志云濁水源自蒲州解縣東北平地爾時魏都安邑韓趙伐魏豈河南至長杜也解縣濁

水近於魏都當是也圍魏惠王七年侵齊至長城正義曰齊長城西頭

在齊州平陰縣太山記云太山西北有長城緣河經太山與千餘里瑯琊入海括地志云所侵處在密州南三十里也

韓攻周八年與韓分周以為兩徐廣曰顯王二年周紀無此。正義

曰括地志云史記周顯二年西周惠公封少子子班於鞏鞏為東周其子武公為秦所滅郭緣生述征記云鞏縣本周鞏伯

邑九年與齊戰阿下徐廣曰戰一作會也。正義曰阿東阿也今齊州東阿縣也十

年攻攻衛取甄十一年秦攻魏趙救之石阿正義

曰蓋在石隰十二年秦攻魏少梁正義曰少梁故城在同州韓城縣南

等州界也趙救之十三年秦獻公使庶長國伐

魏少梁虜其太子座魏敗我澮取皮牢徐廣曰魏年表

曰取趙皮牢。正義曰括地志云澮水縣在絳州翼城縣東南二十五里按皮牢當在澮之側成侯與韓

昭侯遇上黨十四年與韓攻秦十五年助魏攻

齊十六年與韓魏分晉封晉君以端氏徐廣曰在平陽

○正義曰端氏澤州縣也十七年成侯與魏惠王遇葛孽徐廣曰在馬立

年表曰十八年趙孟如齊。正義曰括地志云澮水縣在絳州翼城縣東南二十五里按皮牢當在澮之側十九

年與齊宋會平陸正義曰兗州縣也平陸城與即古厥國與燕會阿正義

曰括地志云故葛城一名依城又名西阿城在瀋州高陽縣西北五十里以徐兗二水並過其西又徂經其北曲曰阿以

齊有東阿故曰西阿城地理志云瀛州屬河間趙分也按燕趙即此也二十年魏獻榮椽

因以為檀臺徐廣曰襄國縣有檀臺。索隱曰劉氏云榮椽蓋地名其中有高與可以為臺非也

按榮椽是良材可為椽登飾有光榮所以魏獻之故趙因用之以為檀臺。正義曰鄭玄云榮屋翼也說文云椽榑也至

椽之兩頭起者為榮也括地志云檀臺在洛州臨洛縣北二里二十一年魏圍我邯鄲

二十二年魏惠王拔我邯鄲齊亦敗魏於桂陵

正義曰括地志云故桂城在曹州乘縣東北二十一里故老云此即桂陵也

二十四年魏歸

我邯鄲與魏盟漳水上秦攻我蘭二十五年成

侯卒公子緜音薛與太子肅侯爭立

索隱曰系本云肅侯名語

敗亡奔韓肅侯元年奪晉君端氏徙處屯留

正義

曰括地志云屯留故城在潞州長子縣東北三十里本漢屯留縣城也

二年與魏惠王遇

於陰晉

正義曰地里志云華陰縣魏之陰晉秦惠文王更名寧秦高帝更名華陰今屬華州

三年公子范襲邯鄲不勝而死四年朝天子六

年攻齊拔高唐七年公子刻攻魏首垣

正義曰蓋在河

也北十一年秦孝公使商君伐魏虜其將公子卬

趙伐魏十二年秦孝公卒商君死十五年起壽

陵

正義曰徐廣云在常州

魏惠王卒十六年肅侯游大陵

徐廣曰太原有大陵縣亦曰陸○正義曰括地志云大陵城在并州文水縣北十三里漢大陵縣城

出於鹿

門

正義曰并州孟縣西有白鹿泓魏出自鹿山南海美鹿門在北山水之側也

大戊午扣

馬

呂忱曰扣牽馬

曰耕事方急一日不作百日不食肅

侯下車謝十七年圍魏黃不克

地理志曰山陽有黃縣○正義曰黃

城在魏州前拔之却為魏今趙圍之矣

築長城

正義曰劉伯莊公蓋從雲中以北至代按趙長城從

蔚州北西至嵐州北盡趙界又疑此長城在潭水之北趙南界

十八年齊魏伐我我

決河水灌之兵去二十二年張儀相秦趙疵與

秦戰敗秦殺疵河西取我蘭離石二十三年韓

舉

餘廣曰

與齊魏戰死于桑丘

地理志云泰山有桑丘縣○正義曰括地

志云桑丘城在易州遂城縣界或云在泰山非也此持齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人

來會燕太子武靈王立

索隱曰名雍

武靈王元年

徐廣曰年表云魏敗

我趙

陽文君趙豹相梁襄王與太子嗣韓宣王

與太子倉來朝信宮

正義曰在洛州臨洛縣也

武靈王少未能

聽政博聞師三人左右司過三人及聽政先問

先王貴臣肥義加其秩國三老年八十月致其

禮三年城鄆四年與韓會于區鼠

正義曰在河北

五年

娶韓女為夫人八年韓擊秦不勝而去五國相

王趙獨否曰無其實敢處其名乎令國人謂已

曰君九年與韓魏共擊秦秦敗我斬首八萬級

齊敗我觀澤

正義曰括地志云觀澤故城在魏州頓丘縣東十八里也

十年秦取

我西都及中陽

徐廣曰年表云秦取中都西陽安邑十一年秦敗我將軍英太原有中都縣西

河自中陽縣齊破燕燕相子之為君君反為臣十一

年王召公子職於韓立以為燕王

徐廣曰紀年亦云爾使樂

池送之

燕世家子之死後燕人共立太子半是為燕昭王無趙送公子職為燕王之事當是趙聞燕亂送立

職為燕王雖使樂池送之竟不能就○索隱曰燕系家無其事蓋是疎也今此云使樂池送之必是憑舊史為說且紀年

之書其說又同則

十二年秦拔我蘭虜將軍趙莊

正義曰本一作

楚魏王來過邯鄲十四年趙何攻

堯音疋婢反

魏十六年秦惠王卒王遊大陵他日王夢見處

女鼓琴而歌詩曰美人熒熒兮顏若苕之榮其

遂曰陵名之草其華紫。正義曰苕音條毛詩疏云苕饒也幽州謂之翹饒蔓似瑩豆而細葉似疾梨而青其華細綠色

可生食味如小豆葎也又本草經云陵苕生下濕水中七八月生華紫草可以染帛煮沐頭髮即黑也命乎

命乎曾無我嬴其

嬴姓嬴也言世眾名其美好曾無我好嬴也重言名呼者以談說眾也異日王飲酒樂數言

所夢想見其狀吳廣聞之因夫人而內其女娃

嬴方言曰娃美也孟姚也徐廣曰古史考云內其女曰

之後故上文云余思虞舜之勳故命其胃女子孟姚以配而

代之孫是也然後封虞在河東太陽山西有上虞城是亦曰孟姚甚有寵於王是為

惠后十七年王出九門徐廣曰在常山。正義曰本

宮室而居趙武靈王改為九門為野臺徐廣曰野一作望。正義曰括地

志云野臺一名義臺在定州樂縣以望齊中山之境十八年秦武王與孟

說舉龍文赤鼎絕臙而死徐廣曰一作絕趙王使

代相趙固迎公子稷於燕送歸立為秦王是為

昭王十九年春正月大朝信宮召肥義與議天

下五日而畢王北略中山之地至於房子正義曰

也遂之代北至無窮西至河登黃華之上正義曰

西河側之召樓緩謀曰我先王因世之變以長南

藩之地屬阻障淦之險立長城又取藺鄆狼敗

林人

正義曰即林胡也

於菀而功未遂今中山在我腹

心北有燕

正義曰地理志云趙分晉北有信都中山又得郡之高陽鄆州鄉東有清河之間又得渤海郡

東平舒等七縣在河

東有胡

正義曰趙東有瀛州之東北營州之境即東胡烏丸

之地服虔云東胡烏丸之先後為鮮卑也

西有林胡樓煩秦韓之邊

正義曰林

胡樓煩即嵐勝之北也嵐勝以南南石州離石蘭等七國時趙邑邊也秦隔河也晉洛潞澤等州皆七國時韓地為並趙西

境而無彊兵之救是亡社稷奈何夫有高世之

名必有遺俗之累吾欲胡服樓緩曰善羣臣皆

不欲於是肥義侍王曰簡襄主之列計胡翟之

利為人臣者寵有孝悌長幼順明之節通有補

民益主之業

正義曰寵貴寵也通達理也凡為人臣有孝弟長幼順明之節制者得貴寵也有補

民益主之功業者為達理也

此兩者臣之分也今吾欲繼襄主

之跡開於胡翟之鄉而卒世不見也

正義曰卒子律反盡也言

盡世間不見補民益主之忠臣也

為敵弱

正義曰我為胡服敵入必困弱也

用力少

而功多可以毋盡百姓之勞而序往古之勲

正義

曰厚重也往古謂趙簡子襄子也

夫有高世之功者負遺俗之累

正義曰負留也言古周公孔子留衣冠禮義之俗今變為胡服是負留風俗之譴累也

有獨智之

慮者任駑民之怨

正義曰言世有獨計智之思慮者必任隱逸教慢之民怨望也

今吾

將胡服騎射以教百姓而世必議寡人奈何肥

義曰臣聞疑事無功疑行無名王既定負遺俗

之慮殆無顧天下之議矣夫論至德者不和於

俗成大功者不謀於衆昔者舜舞有苗禹袒裸國非以養欲而樂志也務以論德而約功也愚者闇成事智者覩未形則王何疑焉王曰吾不疑胡服也吾恐天下笑我也狂夫之樂智者哀焉愚者所笑賢者察焉世有順我者胡服之功未可知也雖驅世以笑我胡地中山吾必有之於是遂胡服矣使王緹告公子成曰寡人胡服將以朝也亦欲叔服之家聽於親而國聽於君古今之公行也子不反親臣不逆君兄弟之通義也徐廣曰兄弟一作元夷元始也夷平也今寡人作教易服而叔

不服吾恐天下議之也制國有常利民為本從政有經令行為上明德先論於賤而行政先信於貴今胡服之意非以養欲而樂志也事有所止而功有所出正義曰鄭玄云止至也為人君止於仁為人臣止於敬為人子止於孝為人父

止於慈與國人交止於信按出猶成也事成功立然後善也今寡人恐

叔之逆從政之經以輔叔之議且寡人聞之事

利國者行無邪因貴戚者名不累故願慕公叔

之義以成胡服之功使緹謁之叔索隱曰請服絕句

焉公子成再拜稽首曰臣固聞王之胡服也臣

不佞寢疾未能趨走以滋進也王命之臣敢對

因竭其愚忠曰臣聞中國者蓋聰明徇智之所居也徐廣曰五帝本紀云初而徇齊萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀赴也蠻夷之所義行也今王舍此而襲遠方之服變古之教易古之道逆人之心而怫學者離中國故臣願王圖之也使以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也

夫翦髮文身錯臂左衽索隱曰錯臂亦文身謂以丹青錯畫其臂孔衍作右臂左衽謂右袒甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

越故言甌越也甌越之民也索隱曰劉氏云今珠崖儋耳謂之甌人是甌越也

近之服賢聖不能同窮鄉多異曲學多辨不知而不疑異於已而不非者公焉而衆求盡善也今叔之所言者俗也吾所言之所以制俗也吾

國東有河薄洛之水徐廣曰安平經縣西有漳水津名薄洛津。正義曰按安平縣屬定

州與齊中山同之正義曰爾時齊與中山相親中山趙共薄洛水故言與齊中山同之須有

舟楫無舟楫之用自常山以至代上黨徐廣曰一

黨以下代上黨有燕東胡之境而西有樓煩秦韓之

邊今無騎射之備故寡人無舟楫之用夾水居

之民將何以守河薄洛之水變服騎射以備燕

三胡秦韓之邊索隱曰林胡樓煩東胡是三胡也且昔者簡主不

塞晉陽以及上黨而襄主并戎取代以攘諸胡

此愚智所明也先時中山負齊之彊兵侵暴吾

地係累正義曰上音計下力追反吾民引水圍鄣微社稷之神

靈則鄣幾於不守也先王醜之而怨未能報也

今騎射之備近可以便上黨之形而遠可以報

中山之怨而叔順中國之俗以逆簡襄之意惡

變服之名以忘鄣事之醜非寡人之所望也公

子成再拜稽首曰臣愚不達於王之義敢道世

俗之聞臣之臯也今王將繼簡襄之意以順先

王之志臣敢不聽命乎再拜稽首乃賜胡服明

日服而朝於是始出胡服令也趙文趙造周招

徐廣曰戰國策作紹紹音紹

趙俊皆諫止王母胡服如故法便

王曰先王不同俗何古之法帝王不相襲何禮

之循處戲神農教而不誅黃帝堯舜誅而不怒

及至三王隨時制法因事制禮法度制令各順

其宜衣服器械各便其用故禮也不必一道而

便國不必古聖人之興也不相襲而王夏殷之

衰也不易禮而滅然則反古未可非而循禮未

足多也且服奇者志淫則是鄒魯無奇行也

曰按鄒魯好長纓是奇服也服非其志皆淫僻也而有孔門顏冉之屬豈是無奇行哉

俗辟者民易

則是吳越無秀士也

索隱曰言方俗僻處山谷而人皆改易不通大化則是吳越無秀士

何得有延州來及大夫種之屬焉哉

且聖人利身謂之服便事謂之

禮夫進退之節衣服之制者所以齊常民也非

所以論賢者也故齊民與俗流賢者與變俱故

諺曰以書御者不盡馬之情以古制今者不達

事之變循法之功不足以高世法古之學不足

以制今子不及也遂胡服招騎射二十年王略

中山地至寧葭

索隱曰一作蔓葭縣名在中山也

西略胡地至榆

中

正義曰勝州北河北岸也

林胡王獻馬歸使樓緩之秦仇

液之韓王賁之楚富丁之魏趙爵之齊代相趙

固主胡致其兵二十一年攻中山趙詔為右軍

許鈞為左軍公子章為中軍王并將之牛翦將

車騎趙希并將胡代趙與之陘徐廣曰一作陸又

之陘陘者山絕之名常山有井陘中山有苦陘上黨有關與

○正義曰陘音與陘音荆陘陘山也在并州陘縣東南十八

里然趙希并將代趙之兵與諸軍向井陘之側共

出定州上曲陽縣合軍攻取丹丘華陽鳴上之關

陽徐廣曰上曲陽在常山下曲陽在鉅鹿○正義曰括地

志云上曲陽故城在定州曲陽縣西五里按合軍曲陽

即上曲陽也以**攻取丹丘**正義曰蓋邢**華陽**正義曰括

在常山郡也**華陽**正義曰括地志云北

岳有五別名一曰蘭臺府二曰列女宮三曰華陽臺四曰紫

臺五曰太一宮按此岳恒山在定州恒陽縣北百四十里

鷓鴣之塞正義曰上昌之反下先代反徐廣曰鷓鴣一作鴻上

上關城也又有鴻上水源出唐縣北葛洪山接北

岳恒山與鴻上塞皆在定州然一本作鷓鴣三誤也**王軍取**

正義曰括地志云封龍山一名飛龍山在**東垣中山獻**

恒州齊泉縣南四十五里邑因山為名**四邑和王許之罷兵二十三年攻中山二十五**

年惠后卒索隱曰謂武靈王之后前太子章之母惠文王

之嫡母也惠后卒後吳娃始當正室至孝成二

年稱惠文后卒是也而下文又云吳娃死**使周詔胡服**

後娃子何寵衰故太子欲兩王之是誤也**傳王子何二十六年復攻中山攘地北至燕代**

西至雲中九原二十七年五月戊申大朝於東

宮傳國立王子何以為王王廟見禮畢出臨朝

鄗石邑

徐廣曰在常山○正義曰括地志云石邑故

城在恒州鹿泉縣南三十五里六國時舊邑**封龍**

正義曰括地志云封龍山一名飛龍山在

恒州齊泉縣南四十五里邑因山為名

正義曰括地志云封龍山一名飛龍山在

恒州齊泉縣南四十五里邑因山為名

恒州齊泉縣南四十五里邑因山為名

恒州齊泉縣南四十五里邑因山為名

恒州齊泉縣南四十五里邑因山為名

父欲令子主治國而身胡服將士大夫西北略胡地而欲從雲中九原直南襲秦於是詐自為使者入秦秦昭王不知已而怪其狀甚偉非人臣之度使人逐之而主父馳已脫關矣審問之乃主父也秦人大驚主父所以入秦者欲自略地形因觀秦王之為人也惠文王徐廣曰元年以公子勝為相封平原二年主父行新地遂出代西遇樓煩王於西河而致其兵三年滅中山遷其王於膚施徐廣曰在上郡起靈壽徐廣曰在常山北地方從代道大通還歸行賞大赦置酒酺五日封長子章為代

正義曰今延州膚施縣也

正義曰今延州

徐廣曰

在常山

北地方從代道大

安陽君

正義曰括地志云東安陽故城在朔州定襄縣界地志云東安陽縣屬代郡

章素侈

心不服其第所立主父又使田不禮相章也李

兌謂肥義曰公子章彊壯而志驕黨眾而欲大

殆有私乎田不禮之為人也忍殺而驕二人相

得必有謀陰賊起一出身徼幸夫小人有欲輕

慮淺謀徒見其利而不顧其害同類相推俱入

禍門以吾觀之必不久矣子任重而勢大亂之

所始禍之所集也子必先患仁者愛萬物而智

者備禍於未形不仁不智何以為國子奚不稱

疾母出傳政於公子成母為怨府母為禍梯肥

義曰不可昔者主父以王屬義也曰母變而度
母異而慮堅守一心以歿而世義再拜受命而
籍之今畏不禮之難而忘吾籍變孰大焉進受
嚴命退而不全負孰甚焉變負之臣不容於刑
諺曰死者復生生者不愧正義曰肥義報李允云必
盡傳何為王不可權章及
田不禮而生異心使死者復更變生并見在
生者並見傳王無變令我不愧之若苟息也吾曰已在
前矣吾欲全吾言安得全吾身且夫貞臣也難
至而節見忠臣也累至而行明子則有賜而忠
我矣雖然吾有語在前者也終不敢失李允曰
諾子勉之矣吾見子已今年耳涕泣而出李允

數見公子成以備田不禮之事異曰肥義謂信
期曰索隱曰即下文高信也
正義曰上音申也公子與田不禮甚可
憂也其於義也聲善而實惡此為人也子不
臣吾聞之也姦臣在朝國之殘也讒臣在中主
之蠹也此人貪而欲大內得主而外為暴矯令
為慢以擅一旦之命不難為也禍且逮國今吾
憂之夜而忘寐飢而忘食盜賊出入不可不備
自今以來若有召王者必見吾面我將先以身
當之無故而王乃入信期曰善哉吾得聞此也
四年朝羣臣安陽君亦來朝主父令王聽朝而

自從旁觀窺羣臣宗室之禮見其長子章儼然也反北面為臣詘於其弟心憐之於是乃欲分趙而王章於代計未決而輟主父及王游沙丘異宮正義曰在邢州平鄉縣東北二十里矣公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成為相號安平君李兌為司寇公子章之敗往走主父主父聞之索隱曰開謂開門而者非也譙周及孔衍皆作閉之閉謂藏也○王義曰謂不責其反叛之罪容其入宮藏也成兌因圍主

父宮公子章死公子成李兌謀曰以章故圍主父即解兵吾屬夷矣乃遂圍主父令宮中人後出者夷宮中人悉出主父欲出不得又不得食探爵齧而食之其母遂曰齧爵子也○索隱曰生受哺者謂之齧三月餘而

餓死沙丘宮應劭曰武靈王葬并代郡靈立縣○正義曰括地志云趙武靈王墓在蔚州靈立縣東三十

里應說主父定死乃發喪赴諸侯是時王少成

允專政畏誅故圍主父主父初以長子章為太子後得吳娃愛之為不出者數歲生子何乃廢太子章而立何為王吳娃死愛弛憐故太子欲兩王之猶豫未決故亂起以至父子俱死為天

下笑豈不痛乎

徐廣曰或無此十四字

主父死惠文王立立

五年與燕鄭易

徐廣曰皆屬涿郡鄭音莫

八年城南行唐除廣

常山○正義曰行唐庚反括地志云行唐縣屬冀州為南行唐築城

九年趙梁將與齊合

軍攻韓至魯關下

正義曰劉伯莊云蓋在南河魯陽關按汝州魯山縣古穀陽縣

及

十年秦自置為西帝十一年董叔與魏氏伐宋

得河陽於魏秦取梗陽

杜預曰太原晉陽縣南梗陽城也○索隱曰地理志云太原

原榆次有梗陽鄉與杜預所據小別也○正義曰括地志云梗陽故城在并州清源縣南百二十步分晉陽縣置本漢榆次縣地春秋晉大夫祁氏邑也

十二年趙梁將攻齊十三年韓徐

為將攻齊公主死

索隱曰蓋吳姓女惠文王之妹

十四年相國樂

毅將趙秦韓魏燕攻齊取靈丘

索隱曰年表及韓魏等系家五國攻

齊在明年然此下文十五年重擊齊是此文為得蓋此年同伐齊耳○正義曰蔚丘縣也

正義曰括地志云中陽故縣在汾州偃城縣南十里漢中陽縣也

十五年燕昭王來見

趙與韓魏秦共擊齊齊王敗走燕獨深入取臨

菑十六年秦復與趙數擊齊人患之蘇厲為齊

遺趙王書曰臣聞古之賢君其德行非布於海

內也教順非洽於民人也祭祀時享非數常於

鬼神也甘露降時雨至年穀豐熟民不疾疫眾

人善之然而賢主圖之今足下之賢行功力非

數加於秦也怨毒積怒非素深於齊也秦趙與

國以彊徵兵於韓秦誠愛趙乎其實憎齊乎物

之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏已也故出質以為信恐天下亟反也故徵兵於韓以威之聲以德與國實而伐空韓索隱曰與國趙也秦趙今為與國秦徵兵於韓共趙伐齊以威聲和趙是以德與國也臣以秦計為必出於此夫物固有勢異而患同者楚久伐而中山亡今齊久伐而韓必亡破齊王與六國分其利也亡韓秦獨擅之攸二周西取祭器秦獨私之賦田計功王之獲利孰與秦多說士之計曰韓亡三川正義曰河南之地兩州之間魏亡晉國

正義曰河北之地安邑河內市朝未變而禍已及矣燕盡齊之

北地去沙丘鉅鹿斂二百里正義曰沙丘邢州也鉅鹿冀州也齊北界貝州

也斂滅也言破齊滅韓之後燕之南界秦之東界相去減二百里趙國在中間也矣韓之上黨去

邯鄲百里燕秦謀王之河山間二百里而通矣

秦之上郡正義曰鄜延等州也近挺關至於榆中者千五百

里秦以三郡攻王之上黨正義曰秦上黨郡今澤潞儀必等四州之地兼相州

之半韓摠有之至七國時趙得儀必二州之地韓猶有潞州及澤州之半半屬趙魏必州在羊腸坂之西儀并代三州在

勾注山之南秦以三郡攻趙之澤潞則勾注之南趙無地然秦始皇置上黨郡比言之者太史公却引前書也他皆倣此

羊腸之西正義曰太行山坂道名勾注之南正義曰勾注山在代

北也州西非王有已踰勾注斬常山而守之三百里

而通於燕代馬胡犬不東下

正義曰言秦踰勾注山斬常山而守之西北代

馬胡犬不東入趙沙州崑山之玉亦不出至趙矣郭璞云胡地野大似狐而小

此三寶者亦非王有已王久伐齊從疆秦攻韓

其禍必至於此願王孰慮之且齊之所以伐者

以事王也王義曰以趙王為事也而秦必伐之也天下屬行以謀王也

正義曰上音燭下胡郎反言秦欲令齊稱帝與約五國共滅趙三分趙地燕秦之約成而兵

出有日矣五國三分王之地正義曰謂秦齊韓魏齊

倍五國之約而殉王之患正義曰齊王以身從趙王之患也西兵以

禁疆秦秦廢帝請服正義曰言秦齊相約欲更重稱帝故言廢帝也反高

平根柔於魏徐廣曰紀年云魏哀王四年改陽曰河雍向日高平根柔一作憊柔一作平柔○正

義曰返還也括地志云高平山以城在懷州河陽縣西四十里反

至紀年云魏哀王改向日高平也根柔未詳兩邑魏地也

涇分徐廣曰一作王公涇音胡鼎反先俞於趙徐廣曰爾雅曰西俞馮邢分字誤當作山字耳括地志云勾注山一名西陲山在代

州屬門縣西北四十里俞音成郭注云西陲即馮門山也按西先聲相近蓋陲山西陲二山之齊之事王宜為上校

地並在代州馮門縣皆趙地也臣恐天下後事

而索隱曰佼猶行也而今乃抵臯正義曰謂共秦伐齊也

王者之不敢自必也願王孰計之也今王母與

天下攻齊天下必以王為義齊抱社稷而厚事

王天下必盡重王義王以天下善秦秦暴王以

天下禁之是一世之名寵制於王也於是趙乃

輟謝秦不擊齊王與燕王遇廉頗將攻齊昔陽

正義曰括地志云昔陽故城一名陽城在并州樂平縣東春秋釋地名云昔陽服國所都也樂平城治縣東昔陽城取姓自狄別種也樂平縣城漢治縣城也取之杜預曰樂平治縣有昔陽城十七年樂毅

將趙師攻魏伯陽正義曰括地志云伯陽故城一名邯鄲會城而秦怨趙不與已擊齊伐趙拔我兩城

十八年秦拔我石城正義曰地理志云右北平有石城縣括地志云石城在相州林慮縣

王冉之衛東陽決河水正義曰括地志云東陽故城在貝州歷亭縣界按東陽先屬蜀衛今屬蜀趙河歷貝州

也伐魏氏大潦漳水出魏冉來相趙十九年秦

敗我二城趙與魏伯陽趙奢將攻齊麥丘取之

二十年廉頗將攻齊王與秦昭王遇西河外徐廣

曰年表云與二十一年趙徙漳水武平西正義曰括地志云武平亭今名渭城在瀛州文安縣北七十二里按二十七年又徙漳水武平南二十二年大疫

置公子丹為太子二十三年樓昌將攻魏幾正義

取十二月廉頗將攻幾取之二十四年廉頗將

攻魏房子徐廣曰屬常山拔之因城而還又攻安陽取

之二十五年燕周將攻昌徐廣曰屬齊郡○索隱曰燕周趙人為趙將○正義

秦將白起破我華陽正義曰括地志云故華陽城在鄭州管城縣南四十里司馬彪云華

陽亭在今洛州密縣是時魏

得一將軍二十六年取

秦會滬池

曰音析傳云伐齊幾

及攻魏幾按幾邑或屬齊或屬魏當在相路之間也

不能

曰括地志云故昌城在淄

州淄川縣東北四十里也

城高唐取之與魏共擊秦

東胡

正義曰今營州也

歐代地

索隱曰蓋東胡叛趙驅略代地人眾以叛故取之也

二十

七年徙漳水武平南封趙豹為平陽君

戰國策曰趙豹平陽

君惠文王母弟

河水出大潦二十八年藺相如伐齊至

平邑

正義曰括地志云平邑故城在魏州昌樂縣東北四十里也

罷城北九門大

城

正義曰相州九門縣城

燕將成安君公孫操弒其王

徐廣曰年表云

是燕武成王元年。索隱曰樂資云其王即惠王

二十九年秦韓相攻而圍

關與

正義曰上於連反下音預括地志云關與聚落今名烏蘇城在潞州銅鞮縣西北二十里又儀州順和縣

城亦云韓關與邑二所未詳又有關與山在洛州武安縣西五十里蓋是也

趙使趙奢將擊

秦大破秦軍關與下賜號為馬服君

正義曰因馬服山為號也

虞喜志林云馬兵之首也號曰馬服者言能服馬也括地志云馬服山邯鄲縣西北十里也

三十三年

惠文王卒太子丹立是為孝成王孝成王元年

徐廣曰平原君相也

秦伐我拔三城趙王新立太后用事秦

急攻之趙氏求救於齊齊曰必以長安君

正義曰長安君

者以長安善故名也

為質兵乃出

索隱曰孔衍云長安君惠文王后之少子也趙亦有長安今其地關

太后不肯大臣彊諫太后明謂左右曰復言長

安君為質者老婦必唾其面左師觸龍言願見

太后太后盛氣而胥之入

胥月猶須也穀梁傳曰胥其出也

徐趨而

坐自謝曰老臣病足曾不能疾走不得見久矣

竊自恕而恐太后體之有所苦也故願望見太

后太后曰老婦恃輦而行

索隱曰東哲云趙惠文王之子何者吳廣之甥姓贏之

子也如系家計之則武靈王十六年夢吳娃而納之至二十
七年王薨死及惠文王三十二年卒孝成王元年遺長安君質
於齊若姓年二十八入王宮至此在六十左側亦可
稱老矣而東廣微言太后纔三十有奇者誤也曰食得

母衰乎曰恃粥耳曰老臣聞者殊不欲食乃彊
步日三四里少益嗜食和於身也太后曰老婦
不能太后不和之色少解左師公曰老臣賤息
舒祺最少不肖而臣衰竊憐愛之願得補黑衣
之缺以衛王宮昧死以聞太后曰敬諾年幾何
矣對曰十五歲矣雖少願及未填溝壑而託之
太后曰丈夫亦愛憐少子乎對曰甚於婦人太
后笑曰婦人異甚對曰老臣竊以爲媼之愛燕

后賢於長安君太后曰君過矣不若長安君之
甚左師公曰父母愛子則爲之計深遠媼之送
燕后也持其踵爲之泣念其遠也亦哀之矣已
行非不思也祭祀則祝之曰必勿使反豈非計
長久爲子孫相繼爲王也哉太后曰然左師公
曰今三世以前至於趙主之子孫爲侯者其繼
有在者乎曰無有曰微獨趙諸侯有在者乎曰
老婦不聞也曰此其近者禍及其身遠者及其
子孫豈人主之子侯則不善哉位尊而無功奉
厚而無勞而挾重器多也今媼尊長安君之位

而封之以膏腴之地多與之重器而不及今今
有功於國一旦山陵崩長安君何以自託於趙
老臣以媼為長安君之計短也故以為愛之不
若燕后太后曰諾恣君之所使之於是為長安
君約車百乘質於齊齊兵乃出子義聞之索隱曰子義趙
之賢曰人主之子骨肉之親也猶不能持無功
之尊無勞之奉而守金玉之重也而況於予乎
齊安平君正義曰括地志云安平城在青州臨海縣東十九里古紀之鄒邑也田單將趙
師而攻燕中陽徐廣曰一作人○正義曰燕無中陽括地志云中山故城一名中人亭在定州
唐縣東北四十一里爾時屬燕國也拔之又攻韓注人正義曰邑名也括地志云注城在汝

州梁縣西十五里蓋是其地也拔之二年惠文后卒田單為相四
年王夢衣偏褰之衣正義曰杜預云偏左右異色褰在中左右異故曰偏按褰衣背縫也
乘飛龍上天不至而墜見金玉之積如山明日
王召筮史敢占之曰夢衣偏褰之衣者殘也乘
飛龍上天不至而墜者有氣而無實也見金玉
之積如山者憂也後三日韓氏上黨守馮亭使
者至曰韓不能守上黨入之於秦其吏民皆安
為趙不欲為秦有城市邑十七願再拜入之趙
財王所以賜吏民王大喜召平陽君豹告之曰
馮亭入城市邑十七受之何如對曰聖人其禍

無故之利王曰人懷吾德何謂無故乎對曰夫秦蠶食韓氏地中絕不令相通固自以為坐而受上黨之地也韓氏所以不入於秦者欲嫁其禍於趙也秦服其勞而趙受其利雖疆大不能得之於小弱小弱顧能得之於疆大乎豈可謂非無故之利哉且夫秦以牛田之徐廣曰一無此字○正義曰秦蠶食韓氏國中斷不通夫牛耕田種穀至秋則收之成熟水之義也言秦代韓上黨勝有日矣若牛田之必冀收穫矣通糧正義曰秦從渭水漕糧東入河洛軍擊韓上黨也蠶食上乘倍戰者正義曰上乘承證反蠶食桑葉漸進必盡也司馬法云百頭為夫夫二三為屋屋三為井井十為通通十為城城出革車一乘上十二人也上乘天下第一也倍戰力攻也韓國四戰之地軍士慣習倍於餘國裂上國之

地正義曰上國秦地也言韓上黨之地以列為秦國之地其政已行趙不可與秦作難必莫受馮亭十七邑也

其政行不可與為難必勿受也王曰今發百萬

之軍而攻踰年靡歲未得一城也今以城市邑

十七幣吾國正義曰馮亭將十七邑入趙此大利也

趙豹出王召平陵君與趙禹而告之對曰發百

萬之軍而攻踰歲未得一城今坐受城市邑十

七此大利不可失也王曰善乃令趙勝受地告

馮亭曰敝國使者臣勝敝國君使勝致命以萬

戶都三封太守正義曰爾時未合言太守至漢景帝始加太守此言太守字也千戶

都三封縣令皆世世為侯吏民皆益爵三級吏

民能相安皆賜之六金馮亭垂涕不見使者曰
吾且不處三不義也為主守地不能死固不義一
矣入之秦不聽主令之不義二矣賣主地而食之
不義三矣趙遂發兵取上黨漢書馮奉世傳曰趙封馮亭為華陵君與趙將括距秦戰死於長平宗族由是分散或在趙在趙者為官師疾馮劫皆為秦將相焉漢興馮唐即代相之子也上黨馮氏云馮亭家在壺關城西五里廉頗將軍軍長平正義曰括地志云長平故城在澤州高平縣西二十一里即白起敗括於長平處七年廉頗免而趙括代將秦人圍趙括趙括以軍降卒四十餘萬皆阬之王悔不聽趙豹之計故有長平之禍焉王還不聽秦秦圍邯鄲徐廣曰在九年武垣

令淮贛曰河間有武垣縣本屬涿郡○正義曰括地志云武垣故城今瀛州城是也傅豹王容

蘇射率燕眾反燕地正義曰武垣此是屬趙與燕接壤故云率燕眾反燕地也趙

以靈丘正義曰括地志云靈丘在蔚州理縣也封楚相春申君八年平

原君如楚請救還楚來救及魏公子無忌亦來

救正義曰魏公子由是趙王以邯鄲為公子湯沐邑年表云九年公子無忌救邯鄲圍在九年其文錯誤耳秦

圍邯鄲乃解十年燕攻昌壯徐廣曰一作社○正義曰壯字誤當作城括地

志云昌城故城在冀州信都縣西北五里此時屬趙故攻之也五月拔之趙將樂乘慶

舍攻秦信梁軍破之徐廣曰年表云新中軍也○索隱曰信梁秦將也○正義曰信梁蓋

王蓋號也秦本紀云昭襄王五十年王蓋從唐拔寧新中軍新中更各安陽今相州理縣也年表云韓魏楚救趙新中軍

秦兵罷太子死徐廣曰是年周赧王卒或者太子云是也而

秦攻西周拔之徒父祺出

索隱曰徒父趙大夫名祺正義曰趙見秦拔西周

故令徒父旗將兵出境也

十一年城元氏

地理志常山有元氏縣正義曰元氏趙州縣也

縣上原武陽君鄭安平死

徐廣曰故秦將降趙也

收其地十

二年邯鄲會燒

徐廣曰庫廩之名音會也○索隱曰會積芻藁之處為火所燒也

十四

年平原君趙勝死

索隱曰年表在十五年

十五年以尉文封

相國廉頗為信平君

索隱曰尉文蓋地名或曰尉官又名謂以尉文所食之地以封廉頗

也古文質略文省耳○正義曰尉文蓋藟州地也信平廉頗号也言篤信而平和也

燕王令丞相

栗腹約驪以五百金為趙王酒還歸報燕王曰

趙氏壯者皆死長平其孤未壯可伐也王乃召昌

國君樂間而問之對曰趙四戰之國也其民習

兵伐之不可王曰吾以眾伐寡二而伐一可乎

對曰不可王曰吾即以五而伐一可乎對曰不

可燕王大怒羣臣皆以為可燕卒起二軍車二

千乘栗腹將而攻鄒卿秦將而攻代

索隱曰二人皆燕將姓名

廉頗為趙將破殺栗腹虜卿秦樂間

正義曰三人皆燕將姓也

十六年廉頗圍燕以樂乘為武襄君

正義曰襄舉也上也言樂

乘功最

十七年假相大將武襄君攻燕圍其國十

八年延陵鈞

徐廣曰代郡有延陵縣

率師從相國信平君助

魏攻燕秦拔我榆次

徐廣曰在太原

三十七城十九年

趙與燕易土

索隱曰音亦謂與燕換易縣也

以龍亢

正義曰括地志云北新城故城

在易州遂南城縣西南二十里按遂城縣西南二十五里有

龍山邢子勳趙記云龍山有四麓各有一穴大如車輪春風

出東秋風出西夏風出南冬風出北不相奪倫按蓋謂龍穴也

汾門徐廣曰在北新城。正義曰括地志云易

州永樂縣有徐水出廣昌嶺三源奇發同瀉一澗流至北平

縣東南歷石門中俗謂之龍門水經其間奔激南出解石城

非蓋汾字誤也遂城及臨樂徐廣曰方城有臨御。正義

永樂安新城縣地也日括地志云臨御故城在幽

州同安六州十七里也與燕燕以葛武陽徐廣曰葛城在高陽。正

義曰括地志云故葛城又各西河城在瀛州高平舒徐廣曰在代郡。正義曰括地

陽縣西北五十里志云平舒故城在蔚州靈丘縣

北九十里也與趙二十年秦王攻初立秦拔我晉陽二

十一年孝成王卒廉頗將攻繁陽徐廣曰在頓立

之廉頗攻樂乘樂乘走廉頗亡入魏子偃立是

為悼襄王悼襄王元年大備徐廣曰一作備。正義曰括

魏欲通平邑中牟之道不成正義曰平邑在魏州昌

汾陰縣西五十八里有牟山按中牟山之側時二年李牧

將攻燕拔武遂方城徐廣曰武遂屬安平。正義曰括

也方城故在幽州固安徐廣曰武遂屬安平。正義曰括

里時二邑屬燕趙使李牧拔之也秦召春平君因而留

之泄鈞正義曰人為之謂文信侯曰春平君者

趙王甚愛之而郎中妬之故相與謀曰春平君

入秦秦必留之故相與謀而內之秦也今君留

之是絕趙而郎中之計中也君不如遣春平君

-5 188 35 900" data-label="Text">

而留平都正義曰輿地里志云平都縣在春平君者

言行信於王王必厚割趙而贖平都文信侯曰

善因遣之徐廣曰年表云太子從質秦歸城韓臯三

年龐煖將攻燕禽其將劇辛四年龐煖將趙楚

魏燕之銳師攻秦葛徐廣曰不拔移攻齊取饒

安徐廣曰在渤海又云饒屬北海安屬平原五年

傅抵正義曰上音付下將居平邑慶舍將東陽正義

曰屬貝州在河外師守河梁正義曰河外阿南岸六

年封長安君以饒正義曰即饒陽也無狸陽無狸陽疑狸

號魏與趙鄴九年趙攻燕取狸陽城正義曰按燕

字誤當作漁陽故城在檀州密雲縣南十八里燕漁陽郡

城也按趙東界至瀛州則檀州在北趙攻燕取漁陽城也

未罷秦攻鄴拔之徐廣曰今饒陽在河間又悼襄王

卒子幽繆王遷立幽繆王遷元年徐廣曰又云遷

王丹生悼襄王偃偃生今王遷年表及史考趙遷皆無謚

索隱曰徐廣云王遷無謚今唯此獨稱幽繆王者蓋秦滅趙

之後人巨竊追謚之太史城柏人二年秦攻武城徐

曰年表云秦敗武平陽廣扈輒率師救之軍敗死焉三年秦攻

赤麗宜安正義曰括地志云宜安故城在李牧率師

與戰肥下正義曰括地志云肥壘故城在恒州却

之封牧為武安君四年秦攻番吾正義曰上音婆

括地志云蒲吾城在恒州房山縣東二十里也

李牧與之戰却之五年代地

大動自樂徐以西徐廣曰北至平陰正義曰樂徐

在汾也 臺屋墻垣大半壞地圻東西百三十步正義

曰其拆溝見在亦在晉汾二州界也 六年大飢民謠言曰趙為號秦

為笑以為不信視地之生毛七年秦人攻趙趙

大將李牧將軍司馬尚將擊之李牧誅司馬尚

免趙忽及齊將顏聚代之趙忽軍破顏聚亡去

以王遷降正義曰淮南子云趙王遷流於陵房思故鄉則為作山木之謳聞之者莫不墮涕括地志云趙

王遷墓在房州房陵縣西九里也 八年十月邯鄲為秦淮南子曰趙王遷流於房

陵思故鄉作為山木之謳聞之者莫不流涕

太史公曰吾聞馮王孫曰趙王遷其母倡也徐廣

曰列女傳曰邯鄲之倡 嬖於悼襄王悼襄王廢適子嘉而立

遷遷素無行信讒故誅其良將李牧用郭開豈

不謬哉秦既虜遷趙之亡大夫共立嘉為王王

代六歲秦進兵破嘉遂滅趙以為郡

索隱述贊曰

趙氏之世 與秦同祖 周穆平徐

乃封造父 帶始事晉 夙初有土

岸賈矯誅 韓厥立武 寶符臨代

卒居伯魯 簡夢翟大 靈歌處女

胡服雖彊 建立非所 頗牧不用

王遷囚虜

趙世家第十三

史記四十三



